

KOLEGIJ OPĆINSKOG NAČELNIKA – 30.05.2006.

Danas je u Kabinetu Općinskog načelnika održana sjednica Kolegija načelnika općine i šefova općinskih službi za upravu.

Analizirani su realizovani zaključci sa prethodnih kolegija, koji su se odnosili prije svega na obilježavanje 18. Maja - Dana oslobođenja općine Živinice, zatim na problem održavanja čistoće grada i gradskih ulica, apliciranje Projekta za javne radove na području naše općine, kao i pokretanje aktivnosti za organizaciju ljetnog održavanja puteva na području naše općine.

Od pokrenutih aktivnosti na ovom kolegiju istaknuto je da će u skorije vrijeme Služba za poduzetništvo i inspeksijske poslove izvršiti označavanje svih naseljenih mjesta na području općine Živinice. Takođe je ova služba kandidovala projekat Federalnoj direkciji za ceste, za izgradnju pješačke i biciklističke staze na potezu Đurđevik - Stari Đurđevik.

Vezano za apliciranje i implementaciju GAP projekta za 2006.godinu, Općinski načelnik je uzimajući u obzir značaj navedenog projekta, formirao komisiju za apliciranje i implementaciju GAP projekta, koju čine svi članovi Komisije za planiranje općinskog razvoja, kao i šest novih članova, te su u tom pravcu već održana dva radna sastanka.

Za naredni period pošto sutra ističe rok za prikupljanje prijedloga projekata po Javnom pozivu za izgradnju i rekonstrukciju infrastrukture na području općine Živinice po principu 1:1 (marka na marku), na osnovu utvrđenih kriterija od strane Općinskog vijeća, Općinski načelnik će pristupiti realizaciji odabranih, odnosno projekata koji su ispunili uvjete iz Javnog poziva.

Takođe uskoro će se započeti i sa realizacijom projekta vodoistražnih radova na lokalitetu Barice-Maline, kao i sa sanacijom dijela obala rijeka Oskove i Gostelje na dva lokaliteta.

SLUŽBA OPĆINSKOG NAČELNIKA